

Պայմանագիր N 10

«ԲԱՐՁՐԱԳՈՒՅՆ ՄԱՍՆԱԳԻՏԱԿԱՆ ԿՐԹՈՒԹՅԱՆ ԳԾՈՎ ՈՒՍԱՆՈՂԱԿԱՆ ՆՊԱՍՏՆԵՐԻ ՏՐԱՄԱԴՐՈՒՄ» ԾՐԱԳՐԻ (ԲՅՈՒՋԵՏԱՅԻՆ ԴԱՍԱԿԱՐԳՄԱՆ ԲԱԺԻՆ-09 ԽՈՒՄԲ-04 ԴԱՍ-01) ԻՐԱԿԱՆԱՑՄԱՆ ՀԱՄԱՐ ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՐ ՖԻՆԱՆՍԱԿԱՆ ԱՋԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

Ք. Երևան

29 հունվարի 2025թ

ՀՀ Ներքին գործերի նախարարության աշխատակազմը (այսուհետ՝ Նախարարություն), ի դեմս գլխավոր քարտուղար Ա. Ֆիդանյանի, որը գործում է Նախարարության կանոնադրության հիման վրա, մի կողմից և «Ճգնաժամային Կառավարման Պետական Ակադեմիա» ՊՈԱԿ-ը (այսուհետ՝ Կազմակերպություն), ի դեմս ղեկավարի պ/կ Ա. Հայրապետյանի, որը գործում է Կազմակերպության կանոնադրության հիման վրա, մյուս կողմից, համաձայն «Հայաստանի Հանրապետության 2025 թվականի պետական բյուջեյի մասին» ՀՀ օրենքի և ՀՀ կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեյի կատարումն ապահովող միջոցառումների մասին» N 2060-Ն որոշման, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1 Պայմանագրով կազմակերպությունը պարտավորվում է «ԲԱՐՁՐԱԳՈՒՅՆ ՄԱՍՆԱԳԻՏԱԿԱՆ ԿՐԹՈՒԹՅԱՆ ԳԾՈՎ ՈՒՍԱՆՈՂԱԿԱՆ ՆՊԱՍՏՆԵՐԻ ՏՐԱՄԱԴՐՈՒՄ» ծրագրի իրականացման աշխատանքները (այսուհետ՝ Աշխատանքներ) կատարել սույն պայմանագրով նախատեսված կարգով և ժամկետներում, իսկ Նախարարությունը պարտավորվում է Աշխատանքների իրականացման համար Կազմակերպությանը տրամադրել «Հայաստանի Հանրապետության 2025 թվականի պետական բյուջեյի մասին» ՀՀ օրենքով նախատեսված պետության կողմից դրամաշնորհի հատկացման ձևով ֆինանսական աջակցություն:

1.2 Կազմակերպությունը պարտավոր է Աշխատանքներն իրականացնելիս ստացված և գաղտնի ճանաչված տեղեկություններն օգտագործել «Պետական և ծառայողական գաղտնիքի մասին» ՀՀ օրենքով սահմանված կարգով:

1.3 Աշխատանքներն իրականացվում է Պայմանագրի անբաժանելի մաս հանդիսացող Հավելված N1-ին և Հավելված N2-ին համապատասխան:

2. Կողմերի իրավունքներն ու պարտականությունները

2.1 Նախարարությունը իրավունք ունի՝

2.1.1 Օգտագործել Աշխատանքների արդյունքները,

2.1.2 Կազմակերպությունից պահանջել ներկայացնել ՀՀ օրենսդրությամբ և այլ իրավական ակտերով նախատեսված ձևով ու կարգով ամսական, եռամսյակային և տարեկան հաշվետվություններ հավելված N1-ում նշված բովանդակությանը համապատասխան,

2.1.3 Կազմակերպությունից պարբերաբար պահանջել և ստանալ տեղեկատվություն սույն Պայմանագրի կատարման ընթացքի մասին,

2.1.4 Իր իրավասությունների սահմաններում կասեցնել Կազմակերպության կողմից ոչ պատշաճ ձևով կամ կարգով կատարվող աշխատանքները:

2.1.5 Վերահսկել Կազմակերպությանն հատկացված դրամական միջոցների նպատակային օգտագործումը,

2.1.6 Կազմակերպությունից պահանջել Աշխատանքները կատարել սույն պայմանագրի 4-րդ կետում նշված ժամկետում;

2.2 Նախարարությունը պարտավոր է՝

2.2.1 Սույն պայմանագրի պահանջներին համապատասխան՝

ա. Կազմակերպությունից ընդունել կատարված Աշխատանքների արդյունքը՝ ՀՀ կառավարության 2024թ դեկտեմբերի 27-ի N 2060-Ն որոշմամբ հաստատված կարգին համապատասխան,

բ. Կազմակերպության կանոնադրությամբ նախատեսված և ՀՀ Ներքին գործերի նախարարի հրամանով ստեղծված կոլեգիալ կառավարման մարմնի դրական եզրակացության հիման վրա իրականացնել Կազմակերպության կողմից ներկայացված ամսական հայտերի վճարումը:

2.2.2 Իր և կազմակերպության կանոնադրություններով սահմանված կարգով, ձևով ու չափերով Կազմակերպությանը ցուցաբերել մեթոդական և կազմակերպչական օգնություն:

2.3 Կազմակերպությունը պարտավոր է

2.3.1 Պայմանագրի շրջանակներում ստացված ֆինանսական աջակցությունն օգտագործել միայն Աշխատանքների իրականացման համար,

2.3.2 Պայմանագրի շրջանակներում ստացված ֆինանսական աջակցությունն օգտագործել միայն Աշխատանքների իրականացման համար, Նախարարության հետ համաձայնեցնել երրորդ անձանց պատկանող մտավոր գործունեության պահպանվող արդյունքների օգտագործման, դրանց օգտագործման համար իրավունքների ձեռք բերման անհրաժեշտությունը:

2.3.3 Իր ուժերով և իր հաշվին վերացնել Աշխատանքների կատարման ընթացքում իր մեղքով թույլ տված այն թերությունները, որոնք կարող են հանգեցնել ծրագրով նախատեսված միջոցառումներից շեղումների,

2.3.4 Նախարարությանն անհապաղ տեղեկացնել Աշխատանքների սպասվելիք արդյունքի ստացման անհնարինության հայտնաբերման կամ Աշխատանքները շարունակելու աննպատակահարմարության մասին,

2.3.5 Նախարարությանը հանձնել Աշխատանքների արդյունքները՝ չխախտելով այլ անձանց իրավունքները,

2.3.6 ՀՀ օրենսդրությամբ և իրավական ակտերով նախատեսված ձևով և կարգով Նախարարությանը ներկայացնել ամսական, եռամսյակային և տարեկան հաշվետվություններ և տեղեկատվություն Պայմանագրի կատարման ընթացքի մասին

3. Աշխատանքների ֆինանսավորման չափը և կարգը

3.1 Աշխատանքների իրականացման ֆինանսական աջակցությունն ըստ «Հայաստանի Հանրապետության 2025 թվականի պետական բյուջեի մասին» ՀՀ օրենքի և Պայմանագրին կից Նախահաշիվը կազմում է 67.766.400(վաթսուևնյոթ միլիոն յոթ յարյուր վաթսուևեց հազար չորս հարյուր) ՀՀ դրամ:

3.2 Վճարումներն իրականացվում են Կոլեգիալ կառավարման մարմնի կողմից դրական եզրակացության առկայության պարագայում Նախարարության կողմից Աշխատանքների ընդունվելուց հետո՝ հինգ բանկային օրվա ընթացքում:

4. Պայմանագրի գործողության ժամկետը

4.1 Պայմանագիրն ուժի մեջ է մտնում ստորագրման պահից, տարածվում է 2025թ հունվարի 1-ից հետո ծագած հարաբերությունների վրա և գործում է մինչև 2025 թվականի դեկտեմբերի 31-ը:

5. Աշխատանքների ընդունման և հանձնման կարգը

5.1 Աշխատանքների իրականացման ընթացիկ և վերջնական արդյունքները Կազմակերպության կողմից հանձնվում և Նախարարության կողմից ընդունվում են Կոլեգիալ կառավարման մարմնի դրական եզրակացության հիման վրա:

6. Կողմերի պատասխանատվությունը

6.1 Կողմերը Պայմանագրով նախատեսված պարտավորությունները չկատարելու կամ անպատշաճ կատարելու դեպքում կրում են պատասխանատվություն ՀՀ օրենսդրությամբ սահմանված կարգով:

7. Վեճերի լուծման կարգը

7.1 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը կատարվում է Հայաստանի Հանրապետության օրենսդրությամբ սահմանված կարգով:

8. Այլ պայմաններ

8.1 Կազմակերպությունն իրավունք չունի առանց Նախարարության գրավոր համաձայնության այլ Կազմակերպություններին, հիմնարկներին և երրորդ անձանց հանձնել Պայմանագրի շրջանակներում կատարված Աշխատանքների արդյունքները:

8.2 Աշխատանքների կատարմանը երրորդ անձինք կարող են ներգրավվել միայն Նախարարության համաձայնությամբ:

8.3 Պայմանագրի պայմանների փոփոխումը, լարցումը կամ գործողության դադարեցումը յրականացվում է կողմերի գրավոր համաձայնությամբ:

8.4 Պայմանագիրը կնքված է 2(երկու) օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

9. Կողմերի հասցեները, բանկային վավերապայմանները և ստորագրությունները՝

ՀՀ Ներքին գործերի նախարարություն
ք. Երևան, Նալբանդյան 130
ՀՀ ֆինանսների նախարարության
աշխատակազմի գործառնական վարչություն
h/h 900011050243
ՀՎՀՀ 02882913
ՀՀ Ներքին գործերի նախարարության
Գլխավոր ֆինանսիստ

Ա. Ֆիդանյան



«Ճգնաժամային Կառավարման Պետական Ակադեմիա» ՊՈԱԿ
ք. Երևան Աճառյան 1
ՀՀ ֆինանսների նախարարության
աշխատակազմի գործառնական վարչություն
h/h 900018003765
ՀՎՀՀ՝ 02500731
ՃԿՊԱ ռեկտորի պ/կ

Ա. Հայրապետյան

